

Sa na ona manao lava
o Kali i se uo.

Tuuatoatasi i le Malologa i le Aoauli

Saunia e Stacy Lynn Carroll
(E faavae i se tala moni)

“E musumusumu mai Ia [Agaga Paia] i se leo mālu”
(Tusipese a Tamaiti, 56).

Sa savali atu Kali i le potu'ai i le aoauli ma tilotilo solo. Sa taufetuli sa'o uma isi tamaiti i a latou uo ma faapotopoto ai i laulau. Sa pisa-pisao le potu ma leo sagisagi fiafia ma taliēga. Sa na o le aso lona lua lea i le aoga, ae sa foliga mai sa tofua tagata uma ma se tagata la te nonofo vagana ai Kali.

Sa ia oomiina le 'au o le pusa o lana meaai, ma savali atu i se tasi o laulau. “E mafai ona ou nofo i ou autafa?” Sa fesili atu ai Kali?

Sa tepa ae i luga se teineitiiti ma lana fili uumi lanuenaena. Sa tuufeula ma lulū lona ulu. “Leai. Ua i ai le tagata e nofo ai,” o lana tali lea.

“Ua lelei.” Sa savali atu Kali i se nofoa na avanoa ma tuu i lalo le pusa o lana meaai.

“E le mafai ona e nofo i! O lea ou te faasaoina le nofoa lena,” sa fai ane ai se tamaitiiti e tusitusi lanumeamata lona ofutino. Sa ia tuleia le pusa o le meaai a Kali i le fola. Sa taliē uma ana uo.

Sa punou ifo i lalo Kali ma toe piki i luga le pusa o lana meaai. Sa savali atu o ia i le isi itu o le potu'ai ma saofai ai i se laulau avanoa. Sa ia iloa atu se tasi mai lo latou pitonuu ma taumafai e talo atu i ai, ae sa ia toe tilotilo i le isi itu. Sa faaūū Kali. Aisea na le manao ai se tasi e avea ma ana uo?

Sa autilo ifo Kali i lana meaai. Sa lei toe fia 'ai o ia. Sa ia soloia ona mata, tapuni le pusa o lana meaai, ma savali i fafo.

O la ua taaalo tagata uma ma a latou uo. Sa nofonofo Kali na o ia i luga o se



nofoaumi ma matamata i isi tamaiti la e fiafia e aunoa ma ia. Ona vaaia lea e Kali se tamaitiiti pe tusa o lona matua o nofonofo na o ia i luga o le mutia. Sa fai lona ofutino lanu samasama pisipisia, ma sa tutū i luga lona lauulu i tua.

Sa tilotilo ese ia Kali. Sa ia vaaia se vaega o teineiti o lana vasega o taaalo i le sikueafa. Sa ia moomoo maimau pe ana latou valaaulia o ia latou te taaalo.

Sa toe tilotilo atu Kali i le tamaitiiti. Sa faagaugau i lalo lona ulu, ma sa ia veveleleina vao sa i autafa o ona vae. Sa manatua e Kali se mea sa fai atu ai lona Tina i nisi o taimi: *Vaavaai mo tamaiti e tuuatoatasi.*

Sa faaūū Kali. O ia foi sa tuuatoatasi. Sa leai se tasi na taumafai e avea ma ana uo!

Ona mafaufau lea o Kali i le taimi sa papatiso ai i le tausaga ua te'a. Sa ia folafola atu e faalogo i le Agaga Paia. Atonu sa fesoasoani le Agaga Paia ia te ia e manatua mea na ta'u atu e lona Tina ia te ia. Atonu sa taumafai le Agaga Paia e ta'u atu ia te ia e taaalo ma le tamaitiiti ofutino lanu samasama.

Sa mapuea Kali ma tu i luga. Sa faatumulia lona loto i se lagona mafanafana. Sa ia savali atu ma nofo ifo i talaane o le tamaitiiti i luga o le mutia.

“Talofa,” sa ia fai atu ai.

“Talofa,” sa ia memumemu atu ai.

“O le a le lanu e te fiafia i ai?”

“O le . . . lanumeamata.”

“Manaia. “Ou te fiafia i le lanupiniki,” na fai atu ai Kali. “E i ai se meaola e te fiafia i ai?”

Na saofai sa'o teisi ae le tamaitiiti i luga ma tilotilo atu ia Kali. “Toe. Ou te fiafia lava i tainosoa.”

“E faapena foi au. E sili ona ou fiafia i se tainosoa seutolu.”

Sa ataata le tamaitiiti.

Ona ta mai lea o le logo. Sa tu ae i luga Kali ma faatofa atu i le tamaitiiti. Sa ataata o ia a o savali atu na o ia i le potuaoga. Atonu e leai sana uo sili, ae sa ia lagona le fiafia i lona iloa ai sa ia faia ia manaia atu le malologa a se tasi. ●

E alaala le tusitala i Iuta, ISA.



Sa ou matuai faatopetope ia ou oo i le aoga. Ae sa ou maua le lagona lea e tatau ona ou aumaia muamua se pepa chips pateta mai le fale. Ina ua uma le malologa, sa foliga faanoanoa la'u uo o Drew. Sa ou fesili ia te ia po o le a le mea na faaletonu. Sa fai mai o ia ua galo lana meaai. Sa ou manatuaina la'u pepa chips pateta, o lea na ou tuu atu ai ia te ia. Sa fai mai Drew, “O se mea aupito manaia lea ua faia e se tasi mo au i le aoga.”

Durham M., 11 tausaga, Iuta, ISA

